

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԱՐԴԱՐԱԴԱՏՈՒԹՅԱՆ ՆԱԽԱՐԱՐ

7 մարտի 2012 թ.
ք. Երևան

N 31-Ն

Հ Ր Ա Մ Ա Ն

ՀԱՐԿԱԴԻՐ ԿԱՏԱՐՈՂԻ ՀԱՄԱԶԳԵՍՏԻ, ՏԱՐԲԵՐԱՆՇԱՆՆԵՐԻ, ԽՈՐՀՐԴԱՆՇԱՆԻ ՆԿԱՐԱԳՐԵՐԸ, ԴՐԱՆՔ ԿՐԵԼՈՒ ԵՎ ՀԱՏԿԱՑՆԵԼՈՒ ԿԱՐԳԸ ՀԱՍՏԱՏԵԼՈՒ, ԻՆՉՊԵՍ ՆԱԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐԻ 2005 ԹՎԱԿԱՆԻ ՄԱՐՏԻ 1-Ի N 26-Ն ՀՐԱՄԱՆՆ ՈՒԺԸ ԿՈՐՑՆԵԼՈՒ ՄԱՍԻՆ

Ղեկավարվելով «Դատական ակտերի հարկադիր կատարումն ապահովող ծառայության մասին» Հայաստանի Հանրապետության օրենքի 29-րդ հոդվածով.

Հրամայում եմ՝

1. Հաստատել հարկադիր կատարողի համազգեստի, տարբերանշանների, խորհրդանշանի նկարագրերը, դրանք կրելու և հատկացնելու կարգը համաձայն NN 1, 2 հավելվածների:
2. Ուժը կորցրած ճանաչել Հայաստանի Հանրապետության արդարադատության նախարարի 2005 թվականի մարտի 1-ի «Հարկադիր կատարողի համազգեստի, ուսանշանների, տարբերանշանների, խորհրդանշանի նկարագրերը, դրանք կրելու և հատկացնելու կարգը հաստատելու մասին» N 26-Ն հրամանը:
3. Սույն հրամանն ուժի մեջ է մտնում պաշտոնական հրապարակմանը հաջորդող տասներորդ օրը:

Հ. Թովմասյան

Հավելված 1
ՀՀ արդարադատության նախարարի
2012 թվականի մարտի 7-ի
N 31-Ն հրամանի

Ն Կ Ա Ր Ա Գ Ր ՈՒ Թ Յ ՈՒ Ն

Հարկադիր կատարողի համազգեստի, տարբերանշանների, խորհրդանշանի

1. ԾԱՌԱՅՈՂԱԿԱՆ ՀԱՄԱԶԳԵՍՏ

1.1 Գլխարկը սև կտորից է, սև թավշյա գլխարկաբուրբոքով, գլխարկագագաթի և գլխարկաբուրբոքի եզրով ոսկեգույն (դեղնավուն), 2,5 մմ եզրաշերտով: Գլխարկաբուրբոքի վրա երկու ոսկեգույն կոճակներով ամրացվում է ցանցահյուսազարդով երկշերտ հյուսված կապը (քուղը) և ոսկեգույն գլխարկանշանը: Գլխարկանշանը՝ ոսկեգույն, կաղնու տերևներով երիզված ՀՀ ԱՆ Դատական ակտերի հարկադիր կատարումն ապահովող ծառայության խորհրդանշանի պատկերով, ամրացվում է գլխարկի կենտրոնում: Գլխարկահովհարը սև է, լաքապատ:

Գեներալ-մայորի գլխարկահովհարի արտաքին մակերեսի վրա, առջևի մասում, երկու կողմից ոսկեգոծ թելերով ասեղնագործվում են կաղնու ճյուղեր: Գլխարկահովհարից վերև՝ գլխարկաբուրբոքի վրա, բացի ոսկեգոծ լարահյուսից և ՀՀ ԱՆ Դատական ակտերի հարկադիր կատարումն ապահովող ծառայության ձուլածո ոսկեգոծ խորհրդանշանից,

ամրացվում (ասեղնագործվում) է կաղնու ճյուղերի տեսքով երկու համաչափ ոսկեկար զարդ: Գլխարկագագաթին ամրացվում է ՀՀ զինանշանը ոսկեգոծ գործվածքով:

Գեներալ-մայոր կոչում ունեցող աշխատակիցների համար տոնական գլխարկը պողպատագույն է, սև գլխարկաբոլորքով:

Պիլոտկա սև կտորից, բաղկացած է երկարացված հատակի 2 մասից, 2 պատից և կենտրոնական մասում իրար վրա ծալվող 2 փեշիկից: Վերծավված եզրակարերը դեղին, ձախ կողմում 3 օղանցք: Առջևի կենտրոնական մասում ամրացվում է ՀՀ ԱՆ Դատական ակտերի հարկադիր կատարումն ապահովող ծառայության խորհրդանշանը:

Կեպի բամբակյա սև կտորից, բաղկացած է թասակից և երկարացված գլխարկահովհարից: Երկու կողմից ունի օղանցքեր: Առջևի կենտրոնական մասում ամրացվում է ՀՀ ԱՆ Դատական ակտերի հարկադիր կատարումն ապահովող ծառայության խորհրդանշանը ոսկեգույն կաղնու տերևներով երիզված:

1.2 Տարագաբաճկոն (Ձև 1 կցվում է): Արդարադատության լեյտենանտից-կապիտան կոչում ունեցող աշխատակիցների համար միակոճկուն է՝ Հայաստանի Հանրապետության զինանշանի պատկերով 4 ոսկեգույն կոճակներով, մարմինը կիսագրկող, հարթ մակերեսներով, հետծավված օձիքով և սովորական երկկարանի թևերով, թիկնամասի ներքևում՝ կտրվածքով: Տարագաբաճկոնը աջ և ձախ կողմերից ունենում է կափույրով ծածկվող կտրվածքով գրպաններ, իսկ կրծքի ձախ մասում՝ կտրվածքով գրպան: Արդարադատության մայրից-գնդապետ կոչում ունեցող աշխատակիցների համար՝ երկփեղկանի, երեք կոճականի տարագաբաճկոն, թիկնամասի ներքևում՝ առանց կտրվածքի: Արդարադատության լեյտենանտից-գնդապետ տարագաբաճկոնի օձիքի վրա ամրացվում է Արդարադատության նախարարության խորհրդանշանը: Գեներալ-մայոր կոչում ունեցող աշխատակիցների ամենօրյա տարագաբաճկոնը կարվում է սև գույնի գաբարդինից:

Արդարադատության լեյտենանտից-գնդապետ կոչում ունեցող աշխատակիցներին՝ սև կտորից է: Տարագաբաճկոնի օձիքը և թևածալքերը՝ ոսկեգույն (դեղնավուն) եզրաշերտով է՝ 2,5 մմ լայնությամբ թևածալքերի վրա երեք կոճակով:

Գեներալ-մայոր կոչում ունեցող աշխատակիցների համար կարվում է նաև տոնական տարագաբաճկոն՝ պողպատագույն գաբարդինից (Ձև 3 կցվում է): Գեներալ-մայորի տարագաբաճկոնի օձիքը և թևածալքերը ոսկեգույն եզրաշերտով է 2,5 մմ լայնությամբ: Օձիքին և թևածալքերին ոսկեգոծ թելով ասեղնագործված են կաղնու ճյուղեր:

Հանովի ուսադիրներով բաճկոնը (Ձև 1 կցվում է) սև գույնի կտորից է, մետաքսյա աստառով: Առջևի մասում կոճկվում է կայծակաճարմանդով (շղթա) 4 կոճակով կոճկվող գաղտնակար հանգույցով: Թիկնամասը և լանջափեշերը կրծքամասում և թևերը թեզանիքներով կտրվածքով, միացման տեղերով անցնում է 2,5 մմ լայնքով դեղին երիզ (կանտ), 2 ներկարված կողային գրպան: Բաճկոնի ուսերին տեղադրված են ուսադիրների ամրակներ, ուսադիրները հանովի: Գեներալ-մայորի բաճկոնի օձիքը դեղին 2.5 մմ եզրաշերտով է: Օձիքի վրա ասեղնագործվում է ոսկեգոծ թելերով կաղնու ճյուղեր (Ձև 3 կցվում է):

1.3 Ազատթող փողբերով տաբատը սև կտորից է, ուղիղ, առանց ծալքերի, ոսկեգույն (դեղնավուն) եզրաշերտով: Գեներալ-մայոր կոչում ունեցող աշխատակիցների համար տաբատի վրա եզրաշերտից 5 մմ հեռավորությամբ կարվում է նաև մուգ կարմրավուն վրակարվածք՝ 22 մմ լայնությամբ շերտով, տաբատի ողջ երկայնքով (Ձև 3 կցվում է):

1.4 Կոշիկները (կիսակոշիկները) սև են, քրոմակաշվե, իսկ գեներալ-մայոր կոչում ունեցող աշխատակիցներին՝ այծակաշվե (շերտյե):

1.5 Վերնաշապիկը սպիտակ է, փափուկ կամ կոշտ օձիքով, երկար թևերով: Որպես ամառային համազգեստ բաճկոնի փոխարեն տրվում է վերնաշապիկ՝ երկար և կարճ թևերով: Փողկապը սև է: Կարճ թևերով վերնաշապիկը կրվում է առանց փողկապի:

1.6 Կիսավերարկու աշնանային-ձմեռային (Ձև 2 կցվում է) սև անջրանցիկ (անջրաթափանց) կտորից, ուղիղ ուրվագծով, ձախ լանջափեշը 5 կոճակով կոճկվող գաղտնակար հանգույցով, հանվող տաք ներդիրով, որն ամրացվում է կայծակաճարմանդով, արհեստական մորթուց հանովի օձիքով և գլխանոցով: Թիկնամասը և լանջափեշերը կրծքամասում կտրվածքով: Միացման տեղով անցնում է 2.5 մմ լայնքով դեղին երիզ: Թևերը երկկարանի: Երկու լանջափեշի վրա թեք ներկարված գրպաններ: Աստառը մետաքսյա, ձախ կողմում ծոցագրպան: Գոտկատեղում և ներքևում թաքնված գոտկապարան: Հանվող ուսադիրներով:

Կանանց համար տարագաբաճկոնի և կիսավերարկուի ձևը նույնն է, կոճկվում է դեպի ձախ, տրվում են կիսաշրջագգեստ տաբատ և կոշիկներ:

Համազգեստի ձախ թևքին կարվում է ծառայության խորհրդանշանը, աջ թևքին՝ Հանրապետության դրոշմը:

Գեներալ-մայոր կոչում ունեցող աշխատակիցները կրում են նաև երկփեղկանի վերարկու 3 գույգ ոսկեգույն կոճակներով, բնական կարակուլե օձիքով, թիկնամասի ներքևում կտրվածքով, սև գույնի դրապից, իսկ տոնականը՝ կարվում է պողպատագույն կտորից: Ուսադիրները՝ կարվող: Վերարկուի օձիքը և լանջափեշերը 2.5 մմ դեղնավուն եզրաշերտով է (Ձև 3 կցվում է):

1.7 Ուսադիրները կրում են վերնաշապիկի, տարազաբաճկոնի, բաճկոնի, կիսավերարկուի և վերարկուի վրա: Օձիքների անկյունում (բացի վերնաշապիկից և բաճկոնից) տեղադրվում է Արդարադատության նախարարության խորհրդանշանը 30 մմ երկարությամբ, 20 մմ լայնությամբ:

2. ԿՈՉՈՒՄՆԵՐԻ ՏԱՐԲԵՐԱՆՇԱՆՆԵՐԸ

Կոչումների տարբերանշաններ են ծառայում կիսափափուկ ուսադիրները (Ձև 4 կցվում է):

Ուսադիրն իրենից ներկայացնում է ձգված վեցանկյուն, երկարավուն գուգահեռ կողմերով, որի ներքևի վերջնամասում ուղղանկյուն է, իսկ վերևինը վերջանում է ստորին եզրին գուգահեռ բութանկյուն կտրվածքով: Ուսադիրի երկարությունը 110-120 մմ է, լայնությունը՝ 40 մմ, իսկ գեներալ-մայորինը՝ 45 մմ է: Ուսադիրների եզրերը, բացի ստորինից, երիզվում են 2,5 մմ լայնությամբ, ոսկեգույն (դեղնավուն) մահուդե գործվածքով: Ուսադիրները պատրաստվում են սև գույնի գործվածքից, մահուդի աստառի վրա: Արդարադատության գնդապետի, փոխգնդապետի, մայորի ուսադիրները 2 ոսկեգույն (դեղնավուն) լուսաշերտով է, իսկ կապիտանի, ավագ լեյտենանտի և լեյտենանտի ուսադիրները 1 ոսկեգույն (դեղնավուն) լուսաշերտով:

2.1 ԳԵՆԵՐԱԼ-ՄԱՅՈՐԻ ՈՒՍԱԴԻՐՆԵՐԸ

Ուսադիրները պատրաստվում են սև թելից հատուկ միահյուսվածքով, մահուդի աստառի վրա՝ առանց լուսաշերտի (Ձև 5 կցվում է): Տոնական բաճկոնի համար՝ ուսադիրները ոսկեգոծ թելից են, եզրերը (բացի ստորինից) և աստղերը մուգ կարմրավուն եզրաշերտով: Վերնաշապիկի համար ուսադիրները պատրաստվում են ոսկեգույն թելերից:

Արդարադատության գեներալ-մայորի ուսադիրների վրա՝ 1 ուռուցիկ, ոսկեգոծ հնգաթև աստղ՝ 22 մմ տրամագծով, ներքևի եզրագծից մինչև աստղի կենտրոնը՝ 45 մմ հեռավորությամբ: Ուսադիրների վերին հատվածում ոսկեգոծ թելերով գործվում է Արդարադատության նախարարության խորհրդանշանը:

Ուսադիրներն ամրացվում են մեկական ոսկեգոծ կոճակով:

2.2 ԱՐԴԱՐԱԴԱՏՈՒԹՅԱՆ ԳՆԴԱՊԵՏԻ, ՓՈԽԳՆԴԱՊԵՏԻ, ՄԱՅՈՐԻ, ԿԱՊԻՏԱՆԻ, ԱՎԱԳ ԼԵՅՏԵՆԱՆՏԻ ԵՎ ԼԵՅՏԵՆԱՆՏԻ ՈՒՍԱԴԻՐՆԵՐԸ (Ձև 4 և 6 կցվում են)

2.2.1 Արդարադատության գնդապետի ուսադիրներին ամրացվում է 3 ոսկեգույն հնգաթև աստղ՝ 20 մմ տրամագծով (որոնցից 2-ը՝ լուսաշերտերի վրա, 1-ը՝ լուսաշերտերի մեջտեղում): Հեռավորությունը ներքևի եզրագծից մինչև 2 աստղերի կենտրոնները՝ 30 մմ, 2 աստղերի կենտրոնները միացնող գծից մինչև 3-րդ աստղի կենտրոնը՝ 25 մմ:

2.2.2 Արդարադատության փոխգնդապետի ուսադիրներին ամրացվում է լուսաշերտերի վրա 2 ոսկեգույն հնգաթև աստղ՝ 20 մմ տրամագծով, հեռավորությունը ներքևի եզրագծից մինչև աստղերի կենտրոնները 30 մմ:

2.2.3 Արդարադատության մայորի ուսադիրներին ամրացվում է 1 ոսկեգույն հնգաթև աստղ 20 մմ տրամագծով լուսաշերտերի մեջտեղում, ներքևի եզրագծից մինչև աստղի կենտրոնը 45 մմ հեռավորությամբ:

2.2.4 Արդարադատության կապիտանի ուսադիրներին ամրացվում են 4 ոսկեգույն աստղ՝ 13 մմ տրամագծով (որոնցից 2-ը ներքևի եզրագծից 30 մմ, լուսաշերտի երկու կողմերում՝ աստղերի կենտրոնների միջև 25 մմ հեռավորությամբ, 2-ը՝ լուսաշերտի վրա, աստղերի կենտրոնները միացնող գծից 25-ական մմ հեռավորության վրա):

2.2.5 Արդարադատության ավագ լեյտենանտի ուսադիրներին՝ 3 ոսկեգույն աստղ՝ 13 մմ տրամագծով (որոնցից 2-ը ներքևի եզրագծից՝ 30 մմ, աստղերի կենտրոնների միջև 25 մմ հեռավորությամբ, 3-րդը՝ լուսաշերտի վրա, աստղերի կենտրոնները միացնող գծից 25 մմ հեռավորության վրա):

2.2.6 Արդարադատության լեյտենանտի ուսադիրներին՝ 2 ոսկեգույն աստղ՝ 13 մմ տրամագծով, ներքևի եզրագծից՝ 30 մմ, աստղերի կենտրոնների միջև 25 մմ հեռավորությամբ:

Ուսադիրները կրում են վերնաշապիկի, տարազաբաճկոնի, բաճկոնի, կիսավերարկուի և վերարկուի վրա: Օձիքների անկյունում (բացի վերնաշապիկից) տեղադրվում է Արդարադատության նախարարության խորհրդանշանը 30 մմ երկարությամբ, 20 մմ լայնությամբ:

Ուսադիրներն ամրացվում են մեկական ոսկեգույն կոճակով:

Հանովի ուսադիրների վրա տեղադրվում է նաև Արդարադատության նախարարության խորհրդանշանը:

3. ԴՍՏԱԿԱՆ ԱԿՏԵՐԻ ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅԱՆ ԽՈՐՀՐԴԱՆՇԱՆԸ

Ծառայության խորհրդանշանը էլիպսաձև է, երկարությունը 97 մմ, լայնությունը 85 մմ, կարվում է վերնաշապիկի, տարազաբաճկոնի, բաճկոնի, կիսավերարկուի և վերարկուի ձախ թևքին՝ ուսակարից 70 մմ ներքև:

Խորհրդանշանը՝ ոսկեգույն արծիվ, որի մագիլների մեջ տեղադրված է կապտավուն գիրք բացված վիճակում, կշեռքի նժարների սպիտակ պատկերով: Հետին պլանում պատկերված է սպիտակ սուր: Պատկերը եզրագարդված է ստորին մասի ժապավենից մինչև արծվի թևերի միջնամասը հասնող ոսկեգույն կաղնու տերևներով: Արտաքին շրջանագծում ոսկեգույն տառերով գրված է.

«ՀԱՐԿԱՐԻՐ ԿԱՏԱՐՄԱՆ ԾԱՌԱՅՈՒԹՅՈՒՆ - ՀԱՅԱՍՏԱՆ» բառերը:

Հավելված 2
ՀՀ արդարադատության նախարարի
2012 թվականի մարտի 7-ի
N 31-Ն հրամանի

Հարկադիր կատարողի համազգեստի հատկացման և կրման կարգը

	Անվանումը	Քանակը	Կրման ժամկետը
	1	2	3
1. Գեներալ-մայոր կոչում ունեցողների համար			
1.	գլխարկ՝ կարակուլէ բնական մորթուց	1 հատ	5 տարի
2.	գլխարկ՝ սև	1 հատ	3 տարի
3.	գլխարկ՝ տոնական պողպատագույն	1 հատ	5 տարի
4.	վերարկու՝ ձմեռային կարակուլէ օձիքով, սև	1 հատ	5 տարի
5.	վերարկու՝ տոնական պողպատագույն	1 հատ	5 տարի
6.	վերարկու՝ բրդյա, գարնանային-աշնանային	1 հատ	5 տարի
7.	տարազաբաճկոն՝ երկփեղկանի, սև գույնի գաբարդինից	1 հատ	3 տարի
8.	տարազաբաճկոն՝ երկփեղկանի, պողպատագույն տոնական	1 հատ	5 տարի
9.	բաճկոն՝ սև գույնի	1 հատ	3 տարի
10.	բաճկոն՝ աշնանային-ձմեռային, սև, անջրանցիկ կտորից	1 հատ	3 տարի
11.	տաբատ՝ սև կտորից	1 հատ	2 տարի
12.	վերնաշապիկ՝ սպիտակ երկարաթև	1 հատ	1 տարի
13.	վերնաշապիկ վրադիր՝ սպիտակ, երկար թևերով	1 հատ	2 տարի
14.	վերնաշապիկ վրադիր՝ սպիտակ, կարճ թևերով	1 հատ	2 տարի
15.	փողկապ՝ սև գույնի	1 հատ	2 տարի
16.	վզպատ թաշկինակ՝ սև գույնի	1 հատ	2 տարի
17.	վզպատ թաշկինակ՝ սպիտակ	1 հատ	2 տարի
18.	կոշիկ՝ սև, այծակաշվե (շերտյե)	1 գույգ	2 տարի
2. Լեյտենանտից գնդապետ կոչում ունեցողների համար			
1.	գլխարկ՝ բնական մորթուց սև գույնի (գնդապետինը՝ կարակուլէ)	1 հատ	5 տարի
2.	գլխարկ՝ սև գույնի	1 հատ	3 տարի
3.	կեպի՝ բամբակյա, ամառային սև կտորից	1 հատ	2 տարի
4.	պիլոտկա՝ սև կտորից (կանանց համար)	1 հատ	2 տարի
5.	տարազաբաճկոն՝ երկփեղկանի, սև կտորից (գլխավոր խմբի համար)	1 հատ	3 տարի
6.	տարազաբաճկոն՝ միակողմանի, սև կտորից (առաջատար խմբի համար)	1 հատ	3 տարի
7.	բաճկոն՝ սև կտորից (հանովի ուսադիրներով)	1 հատ	3 տարի
8.	կիսավերարկու (աշնանային, ձմեռային) սև, անջրանցիկ կտորից, արհեստական մորթուց օձիքով	1 հատ	3 տարի
9.	ավիտր՝ բամբակյա	1 հատ	3 տարի
10.	տաբատ՝ սև կտորից	1 հատ	2 տարի
11.	կիսաշրջագգեստ (կանանց համար)	1 հատ	2 տարի
12.	վերնաշապիկ վրադիր, սպիտակ, երկար թևերով	1 հատ	2 տարի

13. - վերնաշապիկ վրադիր, սպիտակ, կարճ թևերով	1 հատ	2 տարի
14. - փողկապ՝ սև գույնի	1 հատ	1 տարի
15. - վզպատ թաշկինակ՝ սև գույնի	1 հատ	3 տարի
16. - կոշիկ՝ սև (քրոմակաշվե)	1 զույգ	2 տարի

Խորհրդանշանը, գլխարկանշանը, ուսադիրները, աստղերը մեծ և փոքր, կոճակները մեծ և փոքր, երկշերտ հյուսված կապը (քուղը) տրվում են ծառայողական համազգեստի առարկաների քանակությանը համապատասխան, հաշվի առնելով կրման ժամկետները:

Ձև 1




ՏԱՐԱԶԱԲԱՃԿՈՆՈՎ ՀԱՄԱԶԳԵՍ

ԲԱՃԿՈՆՈՎ ՀԱՄԱԶԳԵՍ

Ձև 2



ԱՐԴԱՐԱԴԱՏՈՒԹՅԱՆ ԳԵՆԵՐԱԼ - ՄԱՅՈՐԻ ՀԱՄԱԶԳԵՍ



ՏՈՆԱԿԱՆ ՀԱՄԱԶԳԵՍ

ԱՄԵՆՈՐՅԱ ՀԱՄԱԶԳԵՍ

ԱՐԴԱՐԱԴԱՏՈՒԹՅԱՆ ԳՆԴԱՊԵՏԻ, ՓՈԽԳՆԴԱՊԵՏԻ, ՄԱՅՈՐԻ, ԿԱՊԻՏԱՆԻ, ԱՎԱԳ ԼԵՅՏԵՆԱՆՏԻ ԵՎ ԼԵՅՏԵՆԱՆՏԻ ՈՒՍԱԴԻՐՆԵՐԸ



ԱՐԴԱՐԱԴԱՏՈՒԹՅԱՆ ԳՆԴԱՊԵՏ

ԱՐԴԱՐԱԴԱՏՈՒԹՅԱՆ ՓՈԽԳՆԴԱՊԵՏ

ԱՐԴԱՐԱԴԱՏՈՒԹՅԱՆ ՄԱՅՈՐ

ԱՐԴԱՐԱԴԱՏՈՒԹՅԱՆ ԿԱՊԻՏԱՆ

ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ

ԱՐԴԱՐԱԴԱՏՈՒԹՅԱՆ ԼԵՅՏԵՆԱՆՏ

ԱՐԴԱՐԱԴԱՏՈՒԹՅԱՆ ԳԵՆԵՐԱԼ-ՄԱՅՈՐԻ ՈՒՍԱԴԻՐՆԵՐԸ



ՏՈՒՎԱՆ



ԱՄԵՆՈՐՅԱ



ԱՄԱՌԱՅՐ



- Արդարադատության նախարարության խորհրդանշանը



- Արդարադատության նախարարության
Դատական ակտերի հարկադիր կատարումն ապահովող
ծառայության խորհրդանշանը



- Արդարադատության նախարարության
Դատական ակտերի հարկադիր կատարումն ապահովող
ծառայության գլխարկանշանը



- Արդարադատության նախարարության
Դատական ակտերի հարկադիր կատարումն ապահովող
ծառայության գլխարկանշանը



- Աստղ 20 մմ, ոսկեգույն
- Արդարադատության մայրի, փողզնդապետի, զնդապետի համար



- Աստղ 13 մմ, ոսկեգույն
- Արդարադատության լեյտենանտի, ավագ լեյտենանտի,
կապիտանի համար



- Աստղ 22 մմ, ոսկեգույն
- Արդարադատության գեներալ-մայրի համար



- Գոճակ 22 մմ, ոսկեգույն
- 22 Արդարադատության հատուկ կոչում
ունեցողների



- Գոճակ 14 մմ, ոսկեգույն
- 22 Արդարադատության հատուկ կոչում
ունեցողների